

親征平定朔漠方略

三

親征平定朔漠方畧卷之三十四

十二月甲申。

大將軍伯費揚古至自軍。是日

上仍駐蹕薩爾虎拖會。清晨費揚古將到。

上遣皇長子皇三子皇八子往迎。費揚古至。

上出幔城。費揚古趨進。跪而請

安。

上命入行宮。與語良久。續使議政諸臣前。

諭曰。朕謂噶爾丹。乃熟於戰陣之狡寇。滅之必需時日。孰意一戰而立至敗亡。前者費揚古奏言西路兵。四月二十四日。可至土喇。二十七日。可至巴顏烏闌。故朕卽統軍前進。後杳無聲息。在察罕布拉克。待之數日。果西路兵如期而至。兩路夾攻。則噶爾丹之兵。一人亦不能脫矣。其時

諸臣尙欲待之於拖陵。朕計西路兵今將到土
喇。朕軍不可不前。遂統軍疾進。雖噶爾丹懾我
軍威潰遁。而西路以疲困之衆。遇敵戰勝。勢如
破竹。實爲可嘉。費揚古奏曰。臣雖率西路之兵
前往。凡軍中機務。皆謹遵

聖上指授手書密諭而行。並未能別出意見。有所効
力。況西路兵已糧匱馬乏。不能前進。及聞

皇上親至克魯倫。衆官兵無不奮發。齊言

皇上出自深宮。尙且先至敵境。我等其可緩乎。故不

待催迫。冒死前進。不俟督責。奮勇克敵。若非

聖駕預臨。無論滅賊。卽臣之身命。亦不可保。噶爾丹

之破敗。皆

聖謨神武之所致。柰臣庸劣。以

皇上窮追困蹙之寇。不能生擒而獻之

皇上則臣之罪也。議政諸臣奏曰。費揚古所奏亦是。
皇上預料費揚古之兵必至。若合符節。忽防西路之
兵糧匱乏。預令運往接濟。真至聖至明也。

上顧費揚古曰。噶爾丹被我軍擊敗後。散者散。降者
降。是以朕親臨塞外。相機而行。今觀陸續降人
及噶爾丹所遣格壘沽英之言。噶爾丹窮蹙是
真。朕意悉加屠戮。不如撫而活之。故於爾未至

之前。朕卽降旨招降。費揚古奏曰。

聖意迥出非常。真天地好生之仁。非臣等愚昧所能

及。

皇上出塞以來。噶爾丹部落諾爾布寨桑等。皆携其

妻子。接踵來歸。噶爾丹知不能有其衆。故遣

格壘沽英乞憐。

臣

意宥罪之

詔旣下。噶爾丹必降矣。

檄撫厄魯特車陵伊拉古克三庫圖克圖車
陵遣使來奏曰敬請

聖明萬安自古以來至達賴台使往來

朝請已五世矣未年欽差巴扎爾傳

諭翼格額爾克轄許之恩待欽遵斯

旨來投

聖上而將軍劫之拆我夫婦奪我財物幾戕我身命

伏乞

聖鑒。因將軍奪我諸物。且將討我。是以逃歸。蒙

皇上有俯恤之意。伏乞

皇上卽降恩綸。

上諭曰。車陵來歸朕。我綠旗兵及蒙古兵不知。擊而
擄之。後朕聞知。痛責將軍諸臣矣。今車陵來奏。
乞降彼恩綸。著理藩院備文發去。令車陵作速

來降。朕將寵卹眷顧。其離散之人。盡皆查與完聚。伊拉古克三庫圖克圖遣使來奏曰。臣昔在太宗皇帝之時。少効微勞。得蒙

恩旨。許以世世加恩。臣是以留傳宗派。後奉達賴喇嘛法旨。往歸

天朝。微軀得蒙寵卹。詎意惡徒彭素克格隆。賄通大臣。虛詞捏告。大臣不辨曲直。斥逐臣身。後蒙

皇上寵臣。爲喀爾喀厄魯特不和之事。奉差出使。臣

罔惜身命。竭蹶

王事。緣不獲分明。遂有往返西方之想。厄魯特噶

爾丹博碩克圖汗。奏於達賴喇嘛。携臣而去。

臣欲遣使奏聞。而未能去。歲意欲往見

欽差使臣侍衛克什圖。而臣所居遼遠。不得訴臣衷

曲。今欲使喀爾喀厄魯特安寧。臣已奏於達

賴喇嘛及博碩克圖汗矣。

皇上如天之仁。一唯

諭旨如何。請遵

旨而行。

上諭曰。伊拉古克三庫圖克圖。自西域來。朕待之殊

加寵異。想內不自安而去。今可作速來歸。彼乃

喇嘛。朕不介意。當待之如初。著理藩院檄諭之。

於是理藩院備文開列奉

旨招撫原由。付車陵伊拉古克三庫圖克圖使臣

賁回。

乙酉。

上駐蹕湖灘河朔之南。以

御佩橐韃弓矢。及各種食物。

賜大將軍伯費揚古。遣還。差尙書班第。以銀

賜坐塘蒙古章京披甲。

丙戌。

休養官兵馬匹。

上諭大學士阿蘭泰曰。右衛大同官兵。勿勞馬匹遠迎。各於城外近地接駕。可行文諭之。

已丑。

駕次殺虎口。蠲免大同府地丁錢糧。

上諭戶部曰。朕惟治天下之要。惟以乂安民生爲急。
顧欲安民生。必除寇虐。欲除寇虐。必事師旅。方
今寰宇昇平。人咸樂業。獨厄魯特噶爾丹。狂逞
邊塞。荼毒生靈。朕思爲邊境人民。永絕後患。故
特發大軍。分道進剿。朕躬不憚勤勞。今春親統
中路大兵。深入無水草之地。直抵拖諾。比噶爾
丹聞朕親臨。盡棄輜重。倉皇宵遁。遣與西路大

兵相遇。大敗潰散。俘獲其人口。其寨桑等來歸者甚衆。而噶爾丹收遺寇千餘人。仍竄伏於枯倫白爾齊爾等處地方。朕於冬月。復統軍出邊。相機剿撫。駕抵鄂爾多斯。於是厄魯特人民來歸者。絡繹相屬。噶爾丹力窮勢蹙。亦遣格壘沽英。具奏乞降。隨經頒示勅諭。許其歸順。惟是噶爾丹。乃狡詐叵測之人。其果否來降。猶未可定。

仍當厲兵秣馬。待來歲出師撲剿。務絕根株。比
年以來。軍前需用馬匹。在大同府屬牧養者甚
多。措辦草料等項。雖俱支用正項錢糧。而供億
浩繁。殊勞民力。但必此賊盡滅。然後邊外蒙古
得以安寧。而在內生民。亦獲休息。師旅之興。大
非得已。該郡官民。尙各勉力急公。勿以煩苦爲
慮。朕茲從邊外。返蹕雲中。深軫民力之艱。用沛